

*Inovasi teknologi dalam bidang akupunktur menjadikan rawatan kecantikan lebih berkesan*

**G**ABUNGAN rawatan emas dengan laser akupunktur dalam rawatan kecantikan kulit.

Jika jarum-jarum halus sering digunakan dalam rawatan tersebut satu masa dulu, hari ini satu inovasi teknologi akupunktur yang mempunyai fungsi yang sama dengan cara tradisional diperkenalkan menggunakan laser.

Menyedari perkembangan teknologi yang pesat membangun dengan rawatan akupunktur turut mengalami transformasi, pemilik Dii Laila Beauty, Cik Roselty Mohd Saleh, menawarkan rawatan laser akupunktur ini untuk mengatasi masalah kronik dalam rawatan kecantikan.

Namun, rawatan akupunktur laser ini perlu dilakukan di Laser Acupuncture Centre di Parklane Shopping Mall di Selegie Road.

Cik Roselty bekerjasama dengan pemilik Laser Accupuncture, Encik Rodney Lim, yang juga rakannya lebih 20 tahun dalam menawarkan rawatan itu.

"Pelanggan pada mulanya akan menemui saya dan jika saya dapati keadaan muka mereka seperti jerawat atau pigmentasi yang teruk, saya akan rujuk ke Laser Accupuncture Centre.


"Di sana mereka akan menerima rawatan laser akupunktur. Setelah selesai, pelanggan akan dibawa semula ke pusat rawatan saya di Kembangan Plaza untuk meneruskan rawatan."

Semasa di Kembangan Plaza, pelanggan akan melalui rawatan muka menggunakan mesin emas 22 karat.

Cik Roselty, yang berpengalaman selama 35 tahun dalam bidang rawatan kecantikan, berkata apabila digabungkan dengan laser akupunktur, rawatan emas dapat dimanfaatkan untuk membantu tisu-tisu kulit tumbuh.

Cik Roselty menawarkan pakej berharga \$250 bagi rawatan tersebut, termasuk laser akupunktur.

# Gabungan Emas Dan Laser



**RAWATAN GUNA INOVASI TERKINI:** Encik Rodney Lim menunjukkan cara rawatan akupunktur laser ke atas Cik Roselty, yang dapat membantu mengembalikan kesegaran pada kulit.

— Foto TUKIMAN WARJI

Encik Lim pula berkata laser akupunktur adalah sejenis alat yang disyorkan oleh doktor untuk merawat kes-kes kronik seperti buah pinggang, tekanan darah tinggi, kencing manis, strok, jantung, kolestrol di samping melancarkan peredaran darah.

Menurut Encik Lim, prinsip rawatan laser akupunktur dan akupunktur tradisional dalam penyalarsan fungsi badan adalah serupa.

Kajian menunjukkan ia berkesan dalam menyalarskan fungsi sistem peredaran darah, sistem pencernaan dan sistem endokrin.

Ia juga menjimatkan masa, tidak menyebabkan kesakitan, tiada bakteria, tidak menyebabkan pergerakan otot, mudah di-

gunakan, selamat, kekuatannya boleh disalurkan, skop penggunaan yang luas dan tidak ada sebarang kesan sampingan.

Laser berfungsi dengan cara merangsang titik-titik akupunktur tertentu. Titik-titik tersebut terletak berdekatan dengan sistem saraf dan apabila disalurkan laser, ia akan memberi rangsangan terus dan memindahkan impuls elektrik melalui saraf tunjang dan otak hingga ke bahagian yang bermasalah.

Malah, laser dikatakan 500 kali ganda lebih kuat dan pantas berbanding tusukan jarum klasik.

Mereka yang berminat boleh menghubungi Cik Roselty di talian 9027- 5744 atau Encik Lim 6742-9883 atau 9628-6053